

PEMBERITAHU PERTANYAAN
DEWAN RAKYAT, MALAYSIA

PERTANYAAN : LISAN
DARIPADA : Y.B DATUK SERI NOH BIN HAJI OMAR
KAWASAN : TANJONG KARANG
TARIKH : 27.11.2014
NO. SOALAN : 32

Y.B DATUK SERI NOH BIN HAJI OMAR minta MENTERI PERDAGANGAN ANTARABANGSA DAN INDUSTRI menyatakan berapakah jumlah projek tertangguh di Lembah Klang disebabkan masalah air dan adakah krisis air di Selangor memberikan kesan kepada pelaburan. Jika ada bagaimanakah kesan yang dihadapi.

JAWAPAN

Tuan Yang Dipertua,

Sepanjang tempoh Januari hingga Ogos 2014, Kementerian Perdagangan Antarabangsa dan Industri (MITI) telah meluluskan sebanyak 173 projek industri di Lembah Klang merangkumi kawasan di Kuala Lumpur dan Selangor.

Bagi mengatasi masalah krisis air, syarikat-syarikat pengilang telah dinasihatkan untuk memiliki tangki simpanan air yang mampu menyimpan bekalan air untuk tempoh sekurang-kurangnya untuk tempoh 48 jam selaras dengan garis panduan yang ditetapkan oleh pihak SPAN.

Di samping itu, syarikat-syarikat pengilang juga adalah dinasihatkan untuk mendapatkan sumber air bawah tanah untuk menampung kekurangan sumber air. Walau bagaimanapun, kelulusan terlebih dahulu perlu dierolehi daripada Lembaga Urus Air Selangor (LUAS).

Bagi projek-projek sektor perindustrian yang akan dilaksanakan selepas tahun 2017 iaitu setelah siapnya projek Langat 2, dijangka tidak mengalami masalah bekalan air. Projek Langat 2 adalah projek penting untuk memastikan bekalan air berterusan kepada sektor perindustrian di negeri Selangor.